

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 413874 21 St  
Tuzla, 27.01.2022.godine

OPĆINSKI SUD U TUZLI, sudija Antonela Đaković, u postupku predhodnog ispitivanja prijedloga za otvaranje stečajnog postupka nad dužnikom „TOPLIX“ d.o.o. za proizvodnju, vanjski i unutrašnji promet Živinice, Donja Lukavica bb, dana 27.01.2022.godine donio je sljedeće:

## **R J E Š E N J E**

**POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „TOPLIX“ d.o.o. za proizvodnju, vanjski i unutrašnji promet Živinice, Donja Lukavica bb, MBS: 1-11957.**

Za privremenog stečajnog upravnika imenuje se Mirza Imamović iz Tuzle, ul. Goste Lazarevića br. 30.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Živinicama i Služba za urbanističko planiranje, komunalne, geodetske i imovinsko-pravne poslove grada Živinice, radi upisa zabilježbe otvaranja prethodnog postupka.

### **O b r a z l o ž e n j e**

Predlagač „TOPLIX“ d.o.o. za proizvodnju, vanjski i unutrašnji promet Živinice, Donja Lukavica bb, podnio je dana 23.11.2021.godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospelje i potraživane obaveze plaćanja u dužem vremenskom periodu.

Obzirom da je prijedlog za pokretanje stečajnog postupka podnesen od strane neovlaštenog lica sud je rješenjem od 03.12.2021.godine naložio predlagaču da uredi prijedlog i dostavi potrebnu dokumentaciju shodno odredbama člana 58. Stav 9. Zakona o stečaju. Predlagač je dana 04.01.2022.godine dostavio uređen prijedlog, a obzirom da je isti dopušten u smislu odredbe člana 58. stav 2. i 13. Zakona o stečaju postupku, dana 07.01.2022. godine rješenjem naložio predlagaču da uplati novčana sredstva na ime predujma finansiranja troškova prethodnog stečajnog postupka radi utvrđivanja uslova otvaranja stečajnog postupka. Predlagač je dana 24.01.2022.godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: Uvjerenje Porezne uprave FBiH, KPU Tuzla, PI Živinice od 29.12.2021.g., Uvjerenje Uprave za indirektno-neizravno oporezivanje, RC Tuzla od 29.12.2021.g.; Potvrda NLB Banke dd Sarajevo, Podružnica Tuzla od 06.01.2021.godine; Bilans uspjeha za period od 01.01. do 31.12.2021.godine; Bilans stanja na dan 31.12.2021.godine; Rješenje o upisu u sudski registar subjekta upisa sa priložima od 20.12.2000.g. Dostava podataka broj 032-0-RegZ-21-003603 od 15.11.2021.godine.

Na ročištu za saslušanje stečajnog dužnika održanog dana 05.01.2022.godine, zastupnik predlagača je izjavio da je razlog pokretanja stečajnog postupka taj da društvo ne obavlja djelatnost od 2013.godine, poslovno je neaktivno i nelikvidno. Društvo ima obaveza prema Poreznoj upravi FBiH cca. 18.545 KM, a od strane Općinskog suda u Tuzli rješenjem broj 032-0-RegZ-21-003603 od 15.11.2021.godine.

Imajući u vidu podnesenu dokumentaciju i izjavu zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.). Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u dispozitivu rješenja.

**SUDIJA**  
**Antonela Đaković**

**POUKA O PRAVNOM LIJEKU:** Protiv ovog rješenja dozvoljena je žalba u roku od 8 (osam) dana od dana objave istog u Službenim novinama FBiH. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.